



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXIII. Pro necessitatibus Captivorum Christianorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

bioium
præd. suffra-
gium de mo-
re concede-
retur, veta-
bat Constitu-
tio Pauli V.

Eremitarum S. Augustini in Sacra Theologia Magistri, ac Procuratoris Generalis Provincia- rum B. Mariæ de Gratia nuncupat. novi Regni Granaten. Peruvii, & Mexican. ejusdem Ordinis in Indiis Occidentalibus Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod licet in aliquo earumdem Provinciarum Conventibus, seu Domibus valde exiguis, nempe duorum, trium, seu quatuor Religiosorum numerus aletur, ac etiam in nonnullis Domibus hujusmodi unus tantum Religiosus nomine Prioris habitaverit, & inhabitaret, nihilominus iidem Conventus omnibus illis prærogativis, quibus cæteri Conventus majori, & sufficienti eorumdem Religiosorum numero referti frui solebant, fruebantur, & inter alia, ut eorum Priores, seu Vicarii pro legitimis Superioribus semper habiti, ac voto sive suffragio in Capitulis Provincialibus potiti fuerint ex eo quia prædictorum Religiosorum munus in instruendis in explicatione Catechismi Populis illarum partium, eisque ad gremium Fidei Catholicæ adducendis versabatur, eaque de causa satis longe se conferre cogebantur, nec eis ob tam considerabilem distantiam ad propriam Domum, nisi post plurimum mensium, vel etiam alicujus anni spatium redire licebat. Porro hoc minime obstante vigore quarundam literarum fel. rec. Pauli PP. V. Prædecessoris nostri die 23. Decembris 1591. in simili forma Brevis desuper expeditarum prætendebatur Conventus hujusmodi, qui octo Religiosorum numerum sustentare nequissent, supprimi debere, si vero ad suppressionem hujusmodi devenire minime posset, Religiosi ad alios Conventus, seu ad alias Domos Regulares transferendi essent, itaut in partibus Indiarum non reperiretur Monasterium, aut Regularis Domus, in quo, seu qua minor numerus octo Monachorum, seu Fratrum Regularem vitam duceret, & alias, prout in supradictis Pauli Prædecessoris literis, quarum tenores præsentibus pro plene, & sufficienter expressis, ac de verbo ad verbum insertis haberi volumus uberius continetur. Et in eadem expositione subjuncto, quod prædictæ Pauli Prædecessoris literæ executioni nunquam demandatæ fuerant, si vero executioni hujusmodi demandatæ essent, diversæ inordinationes, non sine maximo scandalo exinde essent orituræ, prout Venerabilis Frater modernus Archiepiscopus S. Fidei eidem Congregationi Cardinalium retulerat, eaque de causa memorati Pauli Prædecessoris literæ, quarum executio arbitrio Archiepiscoporum, & Episcoporum tunc in eisdem partibus existentium commissa fuerat, hucusque ab eis ob præmissa ejusmodi executioni demandatæ minime reperiebantur. Proindeque prædictæ Congregationi Cardinalium supplicato ut circa præmissa nihil innovari, sed solum in dictis Provinciis non obstantibus præfatis Pauli Prædecessoris literis quemadmodum per eandem Congregationem Cardinalium Provincie Floridae, & de Buenos agros Ordinis Fratrum Minorum S. Francisci de Observantia nuncupat. die 21. Novembris 1707., & die 21. Julii 1708. necnon die 10. Junii anni proxime præteriti Provincie S. Antonini novi Regni Granaten., & S. Crucis Ordinis Fratrum Prædicatorum in eisdem Indiis ad earum favorem rescribi obtinuerunt, servari deberet, emanavit ab eadem Congregatione Cardinalium Decretum tenoris, qui sequitur, videlicet: Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, ad quam Sanctissimus Dominus Noster supplicem hunc libellum remisit, audito Patre Procuratore Generali Ordinis referente Eminentissimo de Abdua cen-

suit, ac decrevit, servandum solitum, non obstante enunciato Brevis S. M. Pauli V., & aliis quibuscumque. Romæ 16. Martii 1713. G. Cardinalis Carpineus. F. A. Nicænus Sec.

§. 1. Cum autem, sicut dictus Augustinus Garzias Nobis subinde exponi fecit, ipse Decretum hujusmodi quo firmius subsistat, & servetur exactius Apostolicæ confirmationis nostræ patto- cinio communitur plurimum desideret; Nos ipse Augustini Garzias votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus exiit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter potestatis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robor adjicimus; salva tamen semper in præmissis auctoritate Congregationis Cardinalium.

§. 2. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon quatenus opus sit Provinciarum, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis, habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum in Arce Gandulphi Albanen. Diœcesis sub Annulo Piscatoris die XXI. Junii MDCCXIII. Pontificatus nostri Anno Decimo tertio.

Mandatur Ordinariis quamplurimum nationum, & Generalibus Religiosorum Ordinum, ut commendari curent Populis Christifideles Captivos.

Idem mandatum extat Constit. ed. 1709. Maji 25., P. 9. Inn. XIII. Const. ed. 1721. Nov. 21. P. 1. confirmantur literæ Urb. VIII. pro indigentibus locorum Terra Sancta.

CLEMENS PAPA XI.

Ad futuram rei memoriam.

CUM sicut dilectus filius Hieronymus Cavizzudo in Sacra Theologia Doctor Minister, & Superior Conventus Sanctæ Franciscæ Romanæ de Urbe, necnon Procurator Generalis Ordinis Fratrum Sanctiss. Trinitatis Redemptionis Captivorum, Nobis nuper exponi

Preces Procuratoris Provincialium.

Confirmatio relati Decreti.

Clausulæ.

Causa sequentis Decreti.

Decretum Congregationis.

CXXIII.

Dat. 16. Sept. 1713. An. 13.

Causa præsentis Constitutionis, & preces Procuratoris Gen. Ord. SS. Trinit. Red. Captiv.

fecit, Christifideles multo numero sub dura Barbarorum servitute cum gemino corporis, & Animæ periculo detineantur, quia vero illorum redemptio pluribus abhinc annis tam propter bella, ac Regionum direptiones, quam propter Conventuum egestatem, & eleemosynarum diminutionem intermissa fuit, unde eorundem Captivorum calamitates, & pericula in dies ingravescunt; dictus Hieronymus Procurator Generalis Christifidelium pietatem ad opus adeo pium excitari plurimum desideret:

§. 1. Nos ipsius Hieronymi Procuratoris Generalis votis hac in re quantum cum Domino possumus benigne annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit ad effectum presentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, & attenta relatione dilecti filii nostri Francisci Mariæ Casini Tituli S. Priscæ S. R. E. Cardinalis S. Priscæ nuncupat. dicti Ordinis apud Nos, & Sedem Apostolicam Protectoris super præmissis eisdem Cardinalibus facta, Venerabilibus Fratribus Patriarchis, Archiepiscopis, Episcopis, cæterisque Regnorum Castellæ, Beticæ, Aragoniæ, Valentæ, Principatus Catalaniæ, Insularum Majoricæ, & Minoricæ, ac iidem Regarum Sardinia, Legionis, & Navarræ, Franciæ, necnon Provinciarum Campaniæ, Picardiæ, Normandiæ, Ovitana, Provinciæ, Belgii, Italiæ, Portugalliæ, & Siciliæ, ac Civitatum Neapolitan., Jannuen., Taurinen., & Alexandrin. Provinciæ Mediolanen. respectivè Ordinariis, necnon dilectis filiis Superioribus Generalibus quorumvis Ordinum, Congregationum, & Institutorum Regularium harum serie, auctoritate Apostolica præcipimus, & mandamus, ut saltem duabus vicibus quolibet anno, Adventus scilicet, & Quadragesimæ temporibus in suis respectivè Ecclesiis, tam per verbi Dei Prædicatores in Sacris Concionibus, quam aliis actionibus, & functionibus publicis prædictorum Christifidelium Captivorum miserias, & calamitates Populo proponi, & commendari curent, & faciant, ut eorum exhortationibus stimulentur Christifideles ad eleemosynas largiter conferendas, quibus Redemptores dicti Ordinis eosdem Captivos a dicta servitute hujusmodi redimere, ac illorum spirituali consolationi, corporalique saluti Domino benedicente valeant providere, salva tamen semper in præmissis auctoritate Congregationis eorundem Cardinalium.

§. 2. Non obstantibus Constitutionibus, & Ordinationibus Apostolicis cæterisque contrariis quibuscumque.

§. 3. Volumus autem, ut presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis presentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XVI. Septembris MDCCXIII. Pontificatus nostri Anno Decimotertio.

Conceditur Congregationi Monachorum Vallis-Umbrosæ communicatio privilegiorum quorundam Ordinum, & Congregationum.

Privilegia Congregat. Cassinensis concessa fuere a Jul. II. Et quedam alia a Clem. X. Const. ed. 1671. Off. 2. P. 2.

C L E M E N S P A P A X I .

Ad perpetuam rei memoriam.

Apostolatus officium, quod inscrutabilis divini Sapienciæ, atque bonitatis altitudo humilitati nostræ committere dignata est; salubriter exequi adjuvante Domino jugiter satagentes, Religiosos viros sub suavi Christi jugo vota sua reddere, uberesque bonorum operum fructus adspirante superni favoris auxilio proferre jugiter satagentes ut eo alacrius pietatis exercitiis incumbant, favoribus, & gratis libenter prosequimur opportunis.

§. 1. Exponi siquidem nobis nuper fecit dilectus filius Columbinus Bassi Abbas Generalis Monachorum Congregationis Vallis-Umbrosæ Ordinis S. Benedicti, quod alias postquam Monasteria dictæ Congregationis an. 1484. infimul unita, & in Congregationem a fel. rec. Innocentio PP. VIII. Prædecessore nostro auctoritate Apostolica erecta fuerant, præ mem. Jul. PP. II. pariter Prædecessor noster eidem Congregationi omnia, & singula privilegia, & Indulta Congregationi Cassin. alias S. Justinae de Padua dicti Ordinis a Sede Apostolica concessa communicavit; Deinde vero similis me. Pius PP. V. etiam Prædecessor noster per quasdam Literas Apostolicas anno 1567. desuper expeditas privilegia Ordinum Regularium Mendicantium ad undecim Congregationes extendendo, etiam primodictam Congregationem inter alias enumeravit, sed successive prædictis Pii Prædecessoris literis a rec. mem. Gregor. PP. XIII. itidem Prædecessore nostro revocatis, Congregationes Monasticæ fere omnes cum pro obtinenda privilegiorum Ordinum Regularium Mendicantium hujusmodi communicatio ad nonnullos Romanos Pontifices Prædecessores nostros recursum habuissent, vigore Indulorum specialium eis concessorum dictam, ac universalem eorundem privilegiorum, ac gratiarum, quibus Ordines Regulares tam Mendicantes, quam non Mendicantes fruuntur, communicationem sibi concedi obtinuerunt.

§. 2. Cum autem, sicut eadem expositio subjungebat, eadem primodicta Congregatio Vallis-Umbrosæ hac universali communicatione de presenti destituta reperitur, ac proinde dictus Columbinus Abbas Generalis prædictæ suæ Congregationi omnia, & singula privilegia, gratias, & Indulta quæcumque a Sixto V., Clem. VIII., Gregorio XVI., Paulo V., Gregor. XIV., Urbano VIII., ac Innocentio XII. Romanis Pontificibus, etiam Prædecessoribus nostris Congregationibus S. Hieronymo Hispaniæ Clericorum Regularium Ministrantium Infirmis, necnon Monachorum Camaldulensium, Cisterciensium, Cælestinorum, & S. Mauri in Gallia, necnon Carthusien., & Sanctiss. Trinitatis Redemptoris Captivorum Ordinibus respectivè concessa, ac quibus Congregationes, & Ordines prædicti quomodolibet utuntur, & gaudent, a nobis communicari plurimum desideret: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

§. 3. Nos igitur Congregationem præfatam, quam peculiari paternæ charitatis affectu prosequimur, ipsumque Columbinum Abbatem specialibus favoribus, & gratis prosequi volentes,

CXXIV.

Dat. 28. Sept.
1713. An. 13.

Exordium.

Varia privilegia concessa d. Congregationi an. 1484. erectæ, & causæ præsentis Concessionis.

Preces Abbatis Gener. pro d. Communicatione privilegiorum singillatim expositorum.

Mandatum præd.

Clausulæ.

tes,